



25. januar 2011

UPA 2011/53

Inatsisartut Suleriaasianni § 36 naapertorlugu apeqquteqaat aallaavigalugu oqallisissiaq imaattoq matumuuna saqqummiuppara:

Maniitsumi tarnip nappaataanik katsorsaariaatsip siammarneqarnissaanut Naalakkersuisut peqquneqarnissaat pillugu apeqquteqaat allaavigalugu oqallinnissamik siunnersuut.

(Inatsisartutuni ilaasortaq Astrid Fleischer Rex, Demokraatit)

Demokraatit peqqinnissaq pillugu politikkerit aqutigalugu pingaartillugu anguniarpaat, aningaasaliissutigineqartut peqqinnissakkut annerpaamik iluaqutissarsiviginissaat. Taamaattumik pisariaqarpoq inuiaqatigiit peqqinnissaqarfimmik nalilersuiarnissaat, angusallu tassannganneersut peqqinnissaqarfimmi pitsanngorsaaneermut atorlugit.

Peqqinnissaqarfippu siunissami suliaasaqarpoq imaannaanngitsunik. 1. januar 2011-mi peqqinnissaq nunap immikkoortuut tallimanut aggulunneqarpoq. Peqqinnissaqarfimmi iluarsartuussinerup siunertaraa qulakkiissallugu peqqinnissaqarfiup aamma siunissami innuttaasunut piffissamut naapertuuttumik kiffartuussisarnissaa. Aamma periarfissaalersussaavoq illoqarfimmiut nu-naqarfimmiullu peqqinnissaqarfimmit assigiinnerusumik kiffartuunneqartalernissaat.

Tarnip nappaataanik katsorsaaneq immikkoortuuvoq nutaamik eqqarsarnissamut angisuumik pi-umasaqartoq. Inuuneq eqqarsartaatsikkut pitsaasumik peqqissusilik attatiinnarneqarnissaa aamma iluarusunnartumik kiffartuunneqarnerup attatiinnarneqarnissaa pingaaruteqarpoq – inunnut ataasiakkaanut, ilaqutariinnut aamma inuiaqatigiinnut. Tarnip nappaataanik katsorsaaneermi napparsimasut artornarnepaat katsorsarneqartarput aamma pisariaqarpoq assigiinngitsumik ilinnigallit suleqatigiinnerunissaat tarnikkut napparsimasut pitsaaneerpaamik ikiorneqassappata.

Peqqissutsimut Pisortaqarfiup UPA 2010-mi ataatsimiinnermi saqqummiuppaa ”Tarnikkut nappaatilinnik sullissinermut tunngasut pillugit nassuiaat,” tassani erseqqissarneqarpoq, tarnikkut nappaatinik katsorsaaneq ullumikkut nappaatini artornarnepaasut nappaassuarmut kræftimut inuulluataarnerullu kingunerisaanik nappaatit assigalugit.



Nassuiaammi aamma erseqqissarneqarpoq, pineqartumi inatsit atuuttoq 1938-meersoq. Nalu-naarummili aamma erseqqissarneqarpoq, Peqqissutsimut Pisorta qarfiup tarnip nappaataanik katsorsaaneq pillugu inatsisissaq nutaaq massakkorpiaq aallartissimaleraa, inatsisissarlu Inatsis-artunullu 2011-p ingerlanerani saqqummiunneqarumaartoq.

Ataatsimiititaliarsuup innersuussutaasa ilaat ima nipeqarput:

*“Kaammattuutigineqarpoq: ...ataqatigiissaagaasumik annertunerusumillu suliniutit qulak-
keerneqassasut....”*

aamma

*”tarnikkut nappaatit nalinginnaanerusut pillugit assigiiaarnerusunik neqerooruteqartoqartarn-
issaa qulakkeerneqassasoq, distriktini tarnikkut napparsimasut katsorsarneqarneranni ataatsi-
simut tunaartarisassat suliarineqarnerisigut piviusunngortinneqarnerisigullu,*

Tamatumunnga atatillugu naatsorsuutigineqarpoq, distriktini peqqinnissaqarfimmi sulisut pigin-
naanngorsarneqarumaartut.

Tarnip nappaataanik katsorsaaneq pillugu inatsimmik suliaqarnermut atatillugu Demokratini
matumuuna siunnersuutigissavarput, Maniitsumi misilittakkat tarnip nappaataanik katsorsaaneq
pillugu inatsisissamut ilanngullugit eqqarsaatigineqassasut.

Maniitsumi periuseq

Maniitsumi 2003-2004-mi pilersinneqarput assigiinngitsunik ilinniagallit katsorsaasartoqatigiit,
akuullutik tarnip nappaataanik katsorsaavik, peqqinnissaqarfik, kriminalforsorgi aamma politiit.
Katsorsaasartoqatigiit suliassaraat tarnikkut napparsimasut pisariunerpaat ikiussallugit, ataatsimi-
innerit aalajangersimasut, ataavartut aaqqissuulluakkallu atorlugit.

Periutsumi tassani misilittakkat pitsaasupilussuupput. Taamaattumik Demokratini kissaatingaar-
put periuseq taanna Kalaallit Nunaata sinneranut siammarneqassasoq.

Aallartisarnermi Maniitsumi periutsip pisariaqartippaa sulisunik piginnaanngorsaanissaq, periut-
sip eqqukkiartornerani sulisut akuusut tamarmik piffissaqarfiginerunissaat.



Maniitsumili periutsip atornerani misilittakkat tikkuarpaat, piffissaq ungasinnerusoq isigalugu pisortat aningaasanik sipaarnerulerumaartut, angalanermut aningaasartuutitalinnik pinngitsaaliil-luni unitsitsiartortarnerit killeqarnerulissammata kiisalu ulluklut unukkullu aporaannerit ikin-nerulerlutik.

Innuttaasunut tarnikkut napparsimasunut imaluunniit tarnikkut napparsimasunut ilaquataasunut Maniitsumi periutsip atulersinneqarnera pitsaanerusementik katsorsaariaaseqalernermik kingun-eqartussaavoq kiisalu toqqissisimanerunermik, ilisimasaqarnerulernermik aamma paaseqatigiin-nerunermik pilersitsilluni. Innuttaasunut nalignnaasunut eqqaarsaatigalugit periuseq pineqartoq tarnikkut napparsimasunik sullissisunut toqqissisimanarnerulissaaq.

Taamatut oqaaseqarlunga Naalakkersuisut akissuteqarnissaannut qilanaarpunga kiisalu partiit al-lat saqqummiussassaannut.